



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

De Interpretatione Verborvm & rescriptorum.

urn:nbn:de:hbz:466:1-15588

CAP. V.

Item Alexander tertius Rauennæ archiepiscopo.

Causam quæ inter moniales sanctæ Margarete super discordiam & dissensiones electionis quam fecerant agitari dignoscitur, experientie tuæ iam pridem commissimus terminandam. Vnde quoniam ipsa causa in tantum protrahitur, &c. fraternitati tuæ, &c. quatenus infra duos menses ad plus secundum tenorem aliarum literarum, quas tibi misimus, in causa procedas, ita videlicet quod si sorores ipsæ electionem in episcopum contulerint promittentes, quod illam quam episcopus eis prouideret, reciperent, ipsam quam episcopus prouiderit eis, facias ab eis, appellatione cessante, in suam recipi abbatissam, si tamen idonea existit. Si autem in causa procedere non poteris, dilectis filiis nostris F. basilicæ duodecim apostolorum, & priori sancti Victoris ex parte nostra significes, vt in eadem causa procedant, & sine debito decident.

PARS XLI.

DE INTERPRETATIONE

VERBORVM ET RESCRIPTORVM.

CAP. I.

Item Alexander tertius Eboracensi archiepiscopo.

INTER ceteras consultationes tuas id fuit propositum, quid teneri debeat cum aliqua sub disiunctione mandantur, quorum vnum erit verum, alterum falsum, puta si ponatur quod talis fuerit filius sacerdotis, & in sacerdotio genitus, ab eo qui proximus in eadem ecclesia ministravit, vel quod ipsam ecclesiam illicite occupauit: cui questioni taliter respondemus, quod conuenit iudici, quodcumque istorum constiterit, ei prædictam ecclesiam ab iudicare, & idem in similibus decernere.

CAP. II.

Idem Exoniensi & Vintoniensi episcopis.*

Significauit nobis D. presbyter, quod cum ecclesiam de *VVaplam per triginta annos possedisset, monachi de Lentunen super eadem ecclesia ipsum occasione litera-

ANNO
CHRISTI
1179.

rum, quas ad venerabilem fratrem nostrum Herefordensem episcopum, & dilectum filium nostrum Ma. Vac. impetrasse dicuntur, absque cessatione fatigant, proponentes quod fuerit filius eius, qui ante eum in ecclesia proximo ministravit, cum tamen pater eius sacerdos non fuerit, & decretum nostrum sit dumtaxat contra filios sacerdotum promulgatum. Quoniam ergo constitutiones nouæ futuris dant formam negotiis, fraternitati vestræ, &c. quatenus si memoratum presbyterum diutius ante Concilium Turo-nense præscriptam ecclesiam tenuisse constiterit, si alias idoneus extiterit, eum ab impetitione monachorum subla-to appellationis remedio, absoluatis, non obstantibus lite-ris contra ipsum impetratis, eo quod fuerit filius eius in eadem proximo ministrans.

Constitu-
tiones no-
uas futuris
dare formã
negotiiis.

C A P. III. *Idem Cantuariensi archiepiscopo.*

De hoc autem, quod circa finem literarum tuarum consulere voluisti, quid debeat obseruari, cum inter alios sponsalia contrahuntur, nec intelligit alter quod alter pro-ponit: hoc tuam volumus discretionem tenere, quoniam inspiciendum est iudici, si matrimonium contracturi, ad id faciendum scientia sint idonei & ætate: quo cognito, si alter aliter intellexerit, quam alter proposuerit, ad com-munem verbi intelligentiam recurratur, & cogatur vter-que verba prolata in eo sensu recipere, quem solent re-cte intelligentibus generare.

Pars capituli,
Ex literis
quas super
causa. Supra
de sponsali-
bus.

In dubiis ad
communem
intelligen-
tiam recurri
debet.

C A P. IV. *Idem abbati & fratribus de Riual.*

Cum ordinem Cistertiensem professi, eo quod priuile-gio quo fratres alii gaudeatis, inter vos & clericos sæcula-res super decimis quæstione suborta, tacitoque quod sitis ordinis Cistertiensis, contra vos velut in monachos alte-rius ordinis, literas ab apostolica sede impetrantes, dein iuramentum litibus, sicut vobis significantibus accepimus, & expensis difficillimis inquietant: volentes ergo sollicitè vobis prouidere, ne contra tenorem priuilegiorum vestro-rum possitis quorumlibet temeritate vexari, auctoritate apostolica vobis indulgemus, vt si contra vos super deci-mis vel aliis qua ordini vestro specialiter apostolica sedes indulsit, non facta mentione Cistertiensis ordinis, literæ

fuerint a sede apostolica impetratæ, eis minime teneamini respondere.

ANNO
CHRISTI
1179.

CAP. V. *Idem VVigorniensis episcopo.*

Locus ob-
securus.

Sicut ex literis tuis euidenter, frater episcope, accepimus, aduocatum H. clericus eum proposuit, H. clerico non debere respondere, eo quod filum fractum esset, quo nostra bulla pendebat, * vt cum literæ illæ a nobis impetratæ fuissent, & in nostra cancellaria compositæ, circumspeditionem tuæ prudentiæ non immerito commendamus, quod hac occasione in causa procedere distulisti, in qua non decuit aliter quam feceris processisse.

* f. & du-
bitaretur
vtrum li-
tere

CAP. VI.

Idem abbati de Ramesai, & archidiacono Heliensi.

Ex literis tuis ad nos directis accepimus, quod cum vobis causam, quæ inter dilectos filios nostros monachos de * Cois, & canonicos de Lincol. nec non etiam Geruasium clericum, super ecclesiis de * Ginprec & Arestanen agitari dignoscitur, commissemus sub certa forma diffiniendam, & canonici literarum nostrarum auctoritate citati, aliquando coram vobis apparuissent, & interdum nec venire, nec responsalem mittere voluissent, se contumaciter absentantes, licet monachi ob contumaciam aduersæ partis essent in possessionem mittendi, sequestrari fecistis, vt sic saltem canonici affecti tadio, iudicio stare cogentur. Tandem vero partibus in præsentia vestra constitutis, & memoratis monachis ecclesias sibi restitui postulantes, canonici responderunt auctoritatem vestram penitus expirasse, eo quod a nobis ad alios iudices literas impetrauerunt, quæ præiudicare prioribus videbantur. Vnde quoniam in literis nostris posterioribus non fuit facta mentio priorum, nec nomina ecclesiarum continebantur, quæ in prioribus fuerant posita, sed indefinite dicebantur super quibusdam ecclesiis, non attendentes, malitiam & dolum nulli debere patrocinari, & nolentes tantam illusionem impunitam relinquere: discretionis vestræ, &c. quatenus cum exinde requisiti fueritis, partes ante vestram conuocetis præsentiam, & præscriptam causam secundum formam priorum literarum, omni occasione & appellatione cessan-

In posterioribus priorum mentionem fieri debere.

* Crois
* Guisprec

ANNO
CHRISTI
1179.

cessante, diffiniatis: & canonicos, quoniam ausi fuerunt
mandatum nostrum eludere, & per surreptionem huius-
modi literas impetrare, quod nuntius eorum plenius re-
cognouit: ad metum & pœnam aliorum, expensas, quas
monachi nunc ad nos * mittendo fecerunt, eis, remoto
appellationis obstaculo, reddere compellatis.

*ueniēdo

CAP. VII. *Idem Eboracensi archiepiscopo.*

Sane si a nobis super aliqua causa litera prius impetren-
tur, & alia postea, non facta mentione priorum literarum,
litera obtinentur, si iudicibus innotuerit, donec Roma-
num pontificem consulant, & suam exinde plenius recog-
noscant voluntatem, executione literarum debent peni-
tus superfedere, ne * pro varietate literarum, causarum fi-
nes valeant impediri.

*præ

CAP. VIII. *Item Lucius tertius Lincolnensi episcopo.*

Ad aures nostras, te significante, peruenit, quod pluri-
mi archidiaconi, præcentores, vel ecclesiastici præditi dig-
nitatibus, super minoribus beneficiis per interpositas per-
sonas, literas impetrantes, nomen suæ suppressunt digni-
tatis, & simplici nomine se appellant, tamquam non ha-
beant aliquem in ecclesia ista personatum: itaque rescripto
nostro postulas edoceri, si fraus ista tacendi præiudicium
ei debeat generare. Tuæ ergo consultationi taliter respon-
demus, quod cum non sit nostræ intentionis, vt personæ
pluribus retribus abundantes, per literas nostras paupe-
res clericos super minoribus beneficiis vexent, literas in
quibus auctor nomen suæ dignitatis suppressit, vires ali-
quas nolumus obtinere.

CAP. IX. *Idem Eboracensi archiepiscopo.*

Si autem aliquis auctoritate posteriorum literarum, per
aduersarium ad iudicem tractus, obiecerit se priores ha-
bere, de quibus mentio non habetur, si eis dolo vel negli-
gentia vti proposuit, excusari non debet. Si autem co-
piam iudicis delegati habere nequiuerit, per posteriores
literas non poterit conueniri.